

इवनिंग डोगरी न्यूज़ बुलेटिन

समे .18:15 Hrs

Headlines

- प्रधानमंत्री नरेंद्र मोदी होरें 79में स्वतंत्रता दिवस पर आयोजित समारोह च राष्ट्र दा नेतृत्व कीता ते गलाया जे आपरेशन सिंदूर मुलखै दे सशस्त्र बलें दी दलेरी ते सटीकता दी तसदीक करदा ऐ।
- मुख्मन्त्री उमर अब्दुल्ला होरें जम्मू-कश्मीर च स्वतंत्रता दिवस समारोह दी अगुवाई कीती। उनें राज्य दा दर्जा बहाल करने दे यत्नें गी तेज करने दा संकल्प लैता।
- चशोती बद्दल फट्टने दी घटना च मृतकें दी निगतरी 60 तगर जाई पुज्जी, राहत ते बचाव कम्म जोरें पर। प्रधानमंत्री नरेंद्र मोदी ते मुख्मन्त्री उमर अब्दुल्ला होरें स्थिति दी समीक्षा कीती।
- जम्मू खेत्तर च बी देशभक्ति दे जज्बे कन्नै 79में स्वतंत्रता दिवस दा जश्र मनाया गेआ। उपमुख्मन्त्री होरें जम्मू-कश्मीर दे विकास लेई सरकार दी बचनबद्धता गी इक बारी परतियै पक्का कीता।
- मौसम विभाग नै कल्लै थमां हल्की थमां भारी बरखा दी पेशगोई करदे होई मौसम सरबन्धी परामर्श जारी कीता ऐ।

<><><><><><>

PM-I Day

प्रधानमंत्री नरेंद्र मोदी होरें 79में आजादी आहले ध्याड़े पर आयोजित समारोहें च राष्ट्र दा नेतृत्व कीता। श्री मोदी होरें दिल्ली च ऐतिहासिक लाल किले पर राष्ट्री झंडा चाढ़ेआ। प्रधानमंत्री मोदी होरें लगातार 12मीं बारी लाल किले थमां तिरंगा झंडा चाढ़ेआ ते राष्ट्र दे नां दित्ते गेदे अपने संबोधन च आखेआ जे स्वाधीनता ध्याड़ा छड़ा मेद दे आसें-तांगें दा उत्सव नेई ऐ एहू 140 करोड़ भारतीयें दा मुलखै दिएं सांझिएं उपलब्धिएं दे गौरव गितै इक धेइयौ ऐ। लाल किले दी प्राचीर थमां राष्ट्र दे नां अपने संबोधन च श्री मोदी होरें आपरेशन सिंदूर दे दलेर सैनिकें गी सलाम कीता ते आखेआ जे एहू आपरेशन मुलखै दे सशस्त्र बलें दी दलेरी ते सटीकता दी तसदीक करदा ऐ। उनें आखेआ।

प्रधानमंत्री होरें आखेआ जे हून मुल्ले दे नागरिकें एह एहसास होई गेदा ऐ जे सिंधू जल संधि न्याय मूजब नेई ऐ।
उनें गलाया जे भारत परमाणु ब्लैकमेल गी बर्दाश्त नेई करोग। प्रधानमंत्री मोदी होरें आखेआ जे भारत दुश्मनें दे
कुसै बी जत्त गी नाकाम करने लेई इक सशक्त हथियार प्रणाली बनाने लेई मिश्र सुदर्शन चक्र शुरू करोग।
आत्मनिर्भर भारत पर जोर पांदे होई प्रधानमंत्री होरें आखेआ।

प्रधानमंत्री होरें अपने संबोधन च जीएसटी सुधारें, प्रधानमंत्री विकसित भारत रोजगार योजना 1 लख करोड़
युवा रोजगार स्कीम, देसी सेमीकंडक्टर चिपें दा विकास ते देसै च निर्मित तकनीकी लेई मिशन सुदर्शन चक्र, सिंधु
जल संधि दे परतिय जायजे, स्वच्छ उर्जा दे लक्ष्य गी मित्थे गेदे समें शा पैहले हासल करना ते आपरेशन सिंदूर दी
महत्ता पंछानना ते मुल्ले च गैर कनूनी तरीके नै आवा रदे लोकं पर ताड़ रखने लई डेमोग्राफिक मिशन बारै गल्ल
कीती।

<><><><><><>

J&K Independence Day

जम्मू-कश्मीर च 79मां स्वतंत्रता दिवस देशभक्ति दी भावना ते जोश कन्नै मनाया गेआ। मुखमंत्री उमर अब्दुल्ला
होरें श्रीनगर दे बख्शी स्टेडियम च राश्ट्री चंडा चाढेआ। इस मौके पर इक बड़े कट्ट गी संबोधित करदे होई
मुखमंत्री होरें आखेआ जे सरकार दा मकसद प्रदेश च आर्थिक अर्थबवस्था गी मजबूत करना ऐ। उनें गलाया जे
खित्तें दे आर्थिक विकास आस्तै उंदी सरकार नै सालाना बजट तैयार कीते दा ऐ। उनें आखेआ जे बेरोजगार युवाएं
गी रोजगार देने आस्तै मिशन युवा Scheme तैहत 4 लख 5 ज्हार नौकरिएं दा प्रावधान रक्खेआ गेदा ऐ। उनें
आखेआ जे विधायकें लेई हल्का विकास फंड 3 करोड़ रपे शा बदाइयै 4 करोड़ रपे करी दित्ता ऐ तां जे स्थानीय
कल्याण ते बुनियादी ढांचे आहिलयें परियोजनाएं गी अगड़ा बदाया जाई सकै। श्री अब्दुल्ला होरें श्रीनगर दे
बलिदान स्तम्भ च श्रद्धा-सुमन अर्पित कीते ते शहीदें दे उच्च बलिदान गी मान दित्ता।

<><><><><><>

LG-I Day

79में आजादी आहले ध्याड़े दे मौके पर लेफ्टिनेंट गवर्नर मनोज सिन्हा होरें राजभवन श्रीनगर च राश्ट्री झंडा
चाढेआ ते सलामी दित्ती। उनें सब्भनें गी स्वतंत्रता आहले ध्याड़े दियां शुभकामनां ते बधाई दित्ती। लेफ्टिनेंट

गवर्नर होरें स्वतंत्रता सेनानिएं ते पोलीस, सेना ते केंद्री सशस्त्र पोलीस बलें दे दलेर कर्मिएं गी श्रद्धांजलि अर्पित कीती जिनें मुल्लू दी खातिर अपनिएं जिंदें दा बलिदान दित्ता। उनें चशोती किश्तवाड़ च बद्दल फट्टने आहली दर्दनाक घटना च मरोने आहले नागरिकें गी बी श्रद्धांजलि अर्पित कीती। लेफ्टिनेंट गवर्नर होरें एक्स पर अपनी टवीट च आखेआ जे आजादी दे ध्याडे अस प्रण लैने आं जे कोई शख्स जां कोई ग्रां शांति ते तरक्की दी इस ऐतिहासिक जात्तरा थमां बाहर नेई रेई जा। तिरंगा जित्ना उच्च फहराग, उन्ना गै अस जम्मू-कश्मीर दे बेहतर ते उज्जवल भविष्य गी गोंऽ, विश्वास ते मेद कन्नै दिक्खी सकने आं।

<><><><><><>

Omar Statehood

मुख्यमंत्री उमर अब्दुल्ला होरें अज्ज घोषणा कीती जे ओहू जम्मू-कश्मीर गी राज्य दा दर्जा बहाल करने लेई इक व्यापक दस्तखत मुहिम शुरू करंगन ते फी इनें दस्तखतें गी उच्चतम अदालतै अगगे पेश करंगन। अज्ज बख्शी स्टेडियम च आजादी आले ध्याडे दित्ते जाने आहले अपने संबोधन च मुख्यमंत्री होरें आखेआ जे उच्चतम अदालतै सरकार गी परता देने लेई 8एं हफ्तें दा समां दित्ते दा ऐ। अज्जै थमां अस इनें 8एं हफ्तें तगर सम्भनें 90 असेंबली हलकें च घर-घर जाइयै राज्य दा दर्जा बहाल कराने आस्तै दस्तखत मुहिम चलागे, जेकर लोक इस दस्तावेज पर दस्तखत नेई करंगन तां उनें आखेआ जे ओहू अपनी थाहर हार मन्त्री लैडन।

<><><><><><>

Kishtwar-Cloudburst

किश्तवाड़ जिले दी पाडर सब डिविजन दे चिशोती ग्रां च राहत ते बचा कम्म पूरे जोरें-शोरें कन्नै चला-रदे न। कल इत्थें बद्दल फट्टने करी हाड़ आई गेआ हा। अज्ज श्रीनगर च स्वाधीनता दिवस समारोह दरान अपने संबोधन च मुख्यमंत्री होरें इस करोपी च मरोने आहलें लोकें दी गिनतरी 60 दस्सी ऐ। मुख्यमंत्री होरें आखेआ जे 100 शा मते लोक दर्दनाक घटना च जख्मी होई गेदे न ते लापता लोक गी तुप्पने लेई कोशशां जारी न। किश्तवाड़ थमां आकाशवाणी दे संवाददाता नै दस्सेआ ऐ जे एनडीआरएफ, एसडीआरएफ ते स्थानीय प्रशासन दियां बचा टीमां

लापता लोकं दी तपाश करा करदियां न। सालाना मचेल जात्तरा मुअत्तल करी दिक्ती गेई ऐ ते सरकार नै प्रभावित परोआरें गी हर मुमकिन सहायता दा भरोसा दोआया ऐ जियां के पैहलें खबर दिक्ती जाई चुकी दी ऐ जे बदलै दे फट्टने करी बड़ी मती तबाही होई ऐ। घरें मकानें, हट्टिएं ते गड्डिएं गी बड़ा मता नुकसान पुज्जा ऐ।

<><><><><><>

PM J&K Cloudburst

प्रधानमंत्री नरेंद्र मोदी होरें अज्ज जम्मू-कश्मीर दे लेफ्टिनेंट गवर्नर मनोज सिन्हा ते मुख्मन्त्री उमर हुंदे कन्नै किश्तवाड़ च बदल फट्टने करी आए दे हाड़ै कारण बनी दी स्थिति बारै गल्ल कीती। अपनी इक सोशल मीडिया पोस्ट च श्री मोदी होरें आखेआ जे प्रशासन प्रभावितें दी सहायता लेई जमीनी सतह पर कम्म करा करदा ऐ।

<><><><><><>

Jammu-I Day

स्वतंत्रता दिवस अज्ज जम्मू च बड़े जोश ते उत्साह कन्नै मनाया गेआ। मुख्म समारोह जम्मू दे एम.ए स्टेडियम च आयोजित कीता गेआ जित्थे उपमुख्मन्त्री सुरिंद्र चौधरी होरें तिरंगा झंडा चाढ़ेआ ते मार्च पास्ट दी सलामी लैती। अपने संबोधन च उपमुख्मन्त्री होरें आखेआ जे स्थाड़े संविधान नै असेंगी विकास ते सशक्तिकरण दे इक समान मौके दिक्ते न। सरकार दी नीतियें बारै गल्ल करदे होई उनें गलाया जे उमर अब्दुल्ला हुंदे नेतृत्व आहली सरकार नै समाज दे सब्भनं वर्गें दी भलाई-बेहतरी ते मकामी नोजवानें गी रोजगार दे मौके देने दी पक्क ध्याई दी ऐ।

<><><><><><>

Udhampur I Day

उधमपुर च स्वतंत्रता दिवस दे मुख्म समारोह च आयोजन जागतें ते गौरमेंट पी.जी डिग्री कालेज उधमपुर च कीता गेआ जित्थे जिला विकास परिषद दे प्रधान लाल चंद होरें राश्ट्री तिरंगा चाढ़ेआ ते पुलस बैंड दे अलावा जम्मू-कश्मीर पुलस, एस.के.पी.ए, एन.सी.सी ते होर दुए 32 दलें दी मार्च पास्ट दी सलामी लैती। इस मौके पर बोलदे होई उनें आखेआ।

<><><><><><>

Kathua

कठुआ जिले च बी 79में स्वतंत्रता दिवस दा समारोह देशभक्ति दे जज्बे कन्नै स्पोर्ट्स स्टेडियम च आयोजित कीता गेआ। यातायात मंत्री सतीश शर्मा होरें राश्ट्री तिरंगा चाढ़ेआ ते जम्मू-कश्मीर पुलिस, आई.आर.पी, सी.आर.पी.एफ, जंगलात सुरक्षा बल, एनसीसी कैडेटें ते स्कूली विद्यार्थियों आसेआ प्रभावशाली मार्च पास्ट दी सलामी लैती। इस मौके पर एमएलए कठुआ डॉ. भारत भूषण, डीडीसी प्रधान रिटायर्ड कर्नल महान सिंह, डीडीसी दे उप प्रधान रघुनंदन सिंह, कठुआ दे डिप्टी कमिशनर राजेश शर्मा, एसएसपी कठुआ शोबित सक्सेना, डीडीसी सदस्यें, मन्त्री-परमन्त्री दी हस्तियें, स्कूली विद्यार्थीएं ते मकामी लोक बी उत्थे मौजूद हे। कट्टु गी संबोधित करदे होई मंत्री होरें आखेआ।

<><><><><><>

Reasi

रियासी दे जिला विकास कमिशनर सराफ सिंह नाग होरें रियासी दे जनरल जोरावर सिंह स्पोर्ट्स स्टेडियम च स्वतंत्रता दिवस दे मौके पर राश्ट्री तिरंगा चाढ़ेआ। इस मौके हाल च किशतवाड़ हादसे च जान मोहाने आहलें गी भावें-भरोची दी श्रद्धांजलि दिंदे होई मौन रक्खेआ गेआ। लोकें दे कट्टु गी संबोधित करदे होई उनें आखेआ।

<><><><><><>

Samba

देश दे बक्ख-बक्ख हिस्सें आहला लेखा साम्बा जिले च बी आजादी दा जश्न देशभक्ति दे जज्बे कन्नै मनाया गेआ। मुख समारोह रानी सुचेत सिंह खेड्डू मैदान च आयोजित कीता गेआ जित्थे साम्बा दे डीडीसी प्रधान केशव दत्त शर्मा होरें राश्ट्र तिरंगा चाढ़ेआ ते मार्च पास्ट दी सलामी लैती।

<><><><><><>

Poonch

79में स्वतंत्रता दिवस दा जश्न पुंछ दे स्पोर्ट्स स्टेडियम च बी जोश ते उत्साह कन्नै मनाया गेआ। जल शक्ति, जंगलात ते जनजातीय मामलें दे मंत्री जावेद अहमद राणा होरें राश्ट्री तिरंगा चाढवेआ ते मार्च पास्ट दी सलामी लैती। अपने संबोधन च मंत्री होरें किश्तवाड़ च बदल फट्टने करी होए दे जानी नुकसान उप्पर गैहरा बसोस प्रगट कीता ते सौगी परिवार कन्नै बसोस प्रगट करदे होई सरकार दी तरफां उंदी हर चाल्ली दी मदाद दा यकीन दोआया।

<><><><><><>

Doda-I-Day

डोडा च बी स्वतंत्रता दिवस दा समारोह देशभक्ति दी भावना कन्नै मनाया गेआ। उआं गोआंडी किश्तवाड़ जिले च हाल च गै बदलफ फट्टने करी होई दी जनहानि गी दिखदे होई इस बरै स्वतंत्रता दिवस दा समारोह बड़ी सादगी कन्नै मनाया गेआ। मुख समारोह डोडा दे स्पोर्ट्स स्टेडियम च आयोजित कीता गेआ जित्थे जिला विकास परिषद दे प्रधान धनंतर सिंह होरें राश्ट्री झंडा चाढेआ। डीडीसी प्रधान धनंतर सिंह होरें आखेआ।

<><><><><><>

Ramban

रामबन जिले च बी 79में स्वतंत्रता दिवस दा समारोह देशभक्ति दे जज्वे कन्नै मनाया गेआ। डीडीसी प्रधान डॉ. शमशाद शान होरें इस मौके तिरंगा झंडा चाढेआ ते आखेआ।

<><><><><><>

Weather

मौसम विभाग नै केंद्र शासित प्रदेश जम्मू-कश्मीर च अगले किश दिन हल्की थमां भारी बरखा पौने दी पेशगोई कीती ऐ। मौसम विभाग नै 17 शा 19 अगस्त तगर जम्मू डिविजन च हल्की थमां भारी बरखा पौने दा अनुमान

लाया ऐ। एहदे अलावा संवेधनशील थाहरें पर बद्दल फट्टने, हाड़ औने, ल्हास पस्सियां ते कुप्पड़ पौने दी शैंका गी दिखदे होई लोकेँ गी सतर्क रौहने दी चेतावनी दित्ती गेई ऐ।

<><><><><><>